

Grad Novi Pazar  
Skupština grada  
Odbornička grupa SDA Sandžaka  
Novi Pazar  
24. oktobar 2021. godine

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OBJAVLJIVANJU I DOSTAVLJANJU SLUŽBENIH INFORMACIJA O IZNOSU SREDSTAVA KOJA SE IZDVAJAJU ZA ZARADE I OBAVEZNO SOCIJALNO OSIGURANJE ZAPOSLENIH**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 25. oktobra 2021. godine.

**Predsjednik odborničke grupe**  
Ahmedin Škrijelj

## PRIJEDLOG

Na osnovu člana 32. stav 1. tačka 20) i člana 71. stav 1. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 25. oktobra 2021. godine, donosi

### **O D L U K U**

#### **o objavljivanju i dostavljanju službenih informacija o iznosu sredstava koja se izdvajaju za zarade i obavezno socijalno osiguranje zaposlenih**

##### **Član 1.**

Skupština grada Novog Pazara obavezuje Gradsku upravu za izvorne i povjerene poslove i organe upravljanja i rukovođenja u javnim preduzećima i ustanovama čiji je osnivač grad Novi Pazar, da u roku od 15 dana od dana donošenja ove odluke, odbornicima Skupštine grada Novog Pazara dostave službene podatke:

- o iznosu sredstava koji se na mjesečnom i godišnjem nivou isplaćuju na ime zarada i obaveznog socijalnog osiguranja za zaposlene;
- koliko se godišnje procentualno sredstava izdvajaju za zarade zaposlenih uključujući i obavezno socijalno osiguranje u odnosu na ukupan iznos budžeta;

##### **Član 2.**

Službeni podaci iz člana 1. ove odluke objaviće se na zvaničnoj internet prezentaciji grada Novog Pazara.

##### **Član 3.**

Ovu odluku objaviti u „Službenom listu grada Novog Pazara“.

### **SKUPŠTINA GRADA NOVOG PAZARA**

Broj:

U Novom Pazaru, \_\_\_\_\_. \_\_\_\_\_. 2021. godine

#### **PREDSJEDNIK**

Dr. Anela Šemsović

## **O B R A Z L O Ž E N J E:**

### **Pravni osnov za donošenje odluke:**

Pravni osnov za donošenje ove odluke sadržan je u:

- članu 32. stav 1. tačka 20) i članu 71. stav 1. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- članu 147. Statuta grada Novog Pazara („Službeni list grada Novog Pazara“, broj 6/19); i
- članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

### **Razlozi za donošenje odluke:**

Razlozi za donošenje ove odluke sadržani su u činjenici da se zarade zaposlenih u sistemu lokalne samouprave isplaćuju iz javnih izvora (budžeta) i da su građani vlasnici tih sredstava te da shodno tome imaju pravo, kao i odbornici, budu informisani u načinu trošenja tih sredstava.

Donošenje ove odluke je važno i zbog uvida javnosti o procentu sredstava koji se izdavaju za plate i socijalna davanja zaposlenih kako bi odbornici i javnost donijeli sud da li se budžet koristi u skladu sa potrebama građana ili potrebama političkih struktura koje vrše vlast u Novom Pazaru.

Usvajanjem ove odluke, u velikoj mjeri, može se doći do informacija i o broju zaposlenih.

Evidentno je da se zapošljavanja u javnom sektoru koriste kao vid sticanja i očuvanja političke moći aktuelne vladajuće većine, čime se vlast podređuje interesima političkih stranaka, a na štetu građana, što je zabranjeno Ustavom Republike Srbije.

Donošenjem ove odluke može se jasno utvrditi koji procenat budžeta je opredijeljen za unapređenje uslova života građana i ispunjavanja osnovne funkcije lokalne samouprave.

Usvajanjem ove odluke dobija se jasan odgovor na pitanje šta je prioritet aktuelne vlasti građani ili očuvanje vlasti uz zloupotrebu javnih resursa Javni resursi pripadaju svima, lokalna samouprava pripada jednako svima bez obzira na političko opredjeljenje i ne mogu, kako se to danas radi, služiti interesima vladajuće većine.

Usvajanjem ove odluke zadovoljava se interes javnosti od izuzetnog značaja.

### **Objašnjenje pojedinih rješenja propisanih ovom odlukom**

**Član 1:** Ovim članom Skupština grada obavezu obavezuje Gradsku upravu za izvorne i povjerene poslove i organe upravljanja i rukovođenja u javnim preduzećima i ustanovama čiji je osnivač grad Novi Pazar, da u roku od 15 dana od dana donošenja ove odluke, odbornicima Skupštine grada Novog Pazara dostave službene podatke:

- o iznosu sredstava koji se na mjesečnom i godišnjem nivou isplaćuju na ime zarada i obaveznog socijalnog osiguranja za zaposlene;

- koliko se godišnje procentualno sredstava izdvaja za zarade zaposlenih uključujući i obavezno socijalno osiguranje u odnosu na ukupan iznos budžeta;

**Član 2:** Ovim članom propisana je obaveza da se podaci iz člana 1. Odluke objave na zvaničnoj internet prezentaciji grada Novog Pazara.

**Član 3:** Propisana je obaveza objavljivanja u „Službenom listu grada Novog Pazara“.

**Finansijska sredstva za sprovođenje ove odluke nisu potrebna.**